

Матфеин 11 бөлг.

1. Иисус арвн хойр сурьульчнртан даальврмудан өгэд чилэчкэд, теднэ бальсдудар сурьж дасххар болн келхэр ьарад йовв.
2. Түүрмд суусн Иоанн Иисусин кесн кергүдин тускар соңсчкад, эврәннь хойр сурьульчан терүнэс суртн гиж илгэв:
3. «Та Тер ирх зөвтэнь болжахмт? Эс гиж бидн талданиг күлэхмби?»
4. Иисус эднд иим хэрү өгв: «Иоаннд үзсэн, соңссан келтн:
5. сохр улс үздг болж, доьлңгнь йовна, арснь му гемтэ улс цеврлгдженэ, дүлэнь — соңсжана, үкснь эмдржэнэ болн угатя эмтн Бурхна Байрта Зэңг келж йовна.
6. Нанд итксн күн буйн кишгтэ болх.»
- 7.Тедниг йовсна хөөн Иисус эмтнд Иоанна тускар эклэд келв: «Ю үзхэр тадн көдэд одвт?Салькнд нээхлсн хулсиг хэлэхэрий?
8. Тадн ю хэлэхэр одсмт? Жөөлн байн хувцта кү үзхэрий? Байн жөөлн хувц өмсдг улс хаана бээшңгүдт бээцхэнэ.
9. Тадн ю үзхэр одсмбт? Ээлдэчиг үзхэрий? Э, Би таднд келжэнэв: «Ээлдэчэс даву ээлдэчиг үзлэг.»
10. Бурхна бичгт түүнэ тускар иигж бичэтэ: «Би Чини өмн Эврәннь элчэн йовулжана. Тер Чини өмн йовад хаальичин ясх.»
11. Би таднд үнэр келжэнэв: «Цуг ьазр деер күүкд күүнэс ьарсн улсас уснд кирслдг Иоанн хамгин ик, зуг Бурхна Теңгрин орн-нутгт хамгин бичкнь терүнэс ик.
12. Уснд кирслдг Ионна цагас авн ода күртл Бурхна Теңгрин орн-нутг чидлэр авгдна. Уха-санаан, чидлэн өгсн улс Бурхна Теңгрин орн-нутгт күрх.
13. Юңгад гихлэ цуг ээлдэчнр болн Закан Иоанна цагин өмн зарлгдсн билэ.
14. Кемр тадн орулж авх белн болхла, тертн ирх зөвтэ бээсн Илия болжана.
15. Кенд соңсхин төлэ чикн бээхлэ соңсцхаг!»
16. Эн цагин улсиг кенлэ дүнцүлхв. Эдн ьаза наачах бичкдүдлэ эдл болжана, юңгад гихлэ тедн үүрмүдтэн иигж келв:
17. «Бидн таднд бүшкүр татлавидн, зуг тадн биилсн угат. Бидн таднд ьашута дуд дуулавидн, зуг тадн уульсн угат.
18. Юңгад гихлэ Иоанн ирэд хот-хол чигн идхш, чаьр чигн уухш. Тер бийнь келцхэнэ: «Энүнэ дотрнь шулм бээнэ.»
19. Күмни Көвүн ирэд хот иднэ болн чаьр ууна. Тер бийнь келцхэнэ: «Эн күн хот чигн эдлнэ,

- чаар чигн ууна, алв цуглуулдг болн килнцтэ улсла үүрлжэнэ. Цуг цецн юмн кергэрнь үзгднэ.»
20. Тегэд Иисус зэрм бальсдыг гемшэв, юнгад гихлэ тер бальсдудт Иисус дала чидлэн болн өвэрцэн үзүлсн бийнь, тедн гемэн сурсн уга, килнцэн хайсн уга:
21. «Хоразин болн Вифсаида зовлң эдлхит! Юнгад гихлэ Тир,Сидон хойрт тиим дала чидл болн өвэрцс үзүлгдсн болхла, тедн кезэнэ шуурха му хувцан өмсэд, үмсн деер унад тедн килнцсн цөкрх билэ.»
22. Зуг Би таднд келжэнэв: «Тир, Сидон хойрин ызарт зарьин өдрлэ тадн дорхнь деер болх.
23. Чи, Капернаум, теңгр күртл өөдлсн тамин йоралд унхч, юнгад гихлэ чамд өгсн чидл болн өвэрцс Содомд бас үзүлгдсн болхла, тер Содом ода чигн бээх билэ.
24. Тер төлэд Би келжэнэв: зарьин өдрлэ тадн дорхнь Содомин ызарт деер болх.»
25. Цааранднь Иисус иигж зальврв: «Хээрхн Эцкм, теңгрин болн ызрин Эзн, цецн ухата улсас нууьад бичкдүдт медүлж өгсндтн Танд маггал болн ханлт өргжэнэв.
26. Э-э, Мини Эцк, Тана эвэлтн тиим билэ.
27. Мини Эцкм цугинь Нанд даальв. Эцкэс талдан нег чигн күн Көвүьинь меджэхш. Көвүнэс талдан нег чигн күн Эцкиг медхш. Ямаран күүнд Көвүнь секхэр бээхнь бас нег чигн күн меджэхш.
28. Цуг муурсн, зовсн улс Нанур ирцхэтн, Би тадниг амранав.
29. Мини зааврмудыг бийдэн автн, Нанас дасч автн, юнгад гихлэ Би жөөлн болн номьн зүрктэв.
30. Тана седкл амрад жирьх, Мини өгсн зааврмуд амр, Мини ацан гиигн.»